

重脩鳳翔府志

第九册

鳳翔府志卷之九

列女

后妃 名媛 節孝 貞烈

易曰女正位乎內男正位乎外陰教之修願基重焉
岐陽當周家盛時聖配迭興宮闈化茂故一時婦人
女子皆知以德義自處降及千百年流風遺軌未嘗
漸滅閭閻之內或以賢淑著或以貞烈表按代而稽
迄今不絕此皆足輝之彤管而為邑里風者也而謂
可聽其湮沒已乎志列女

后妃

重修鳳翔府志

卷之九 列女



任姒神農氏母有嬌氏女登為少典妃遊華陽有神

龍首感生炎帝長於姜水

史記五帝本紀注 姜水在今寶雞



太姜太王妃有邠氏女也生泰伯仲雍王季有色而

賢率導諸子至於成童靡有過失太王謀事必於

太姜相太王修復后稷公劉之業自商遷岐修德

行義以肇王基詩曰爰及姜女聿來齊寧是也

太任王季妃任氏摯國中女也有敬德善事太姜克



相王季端一誠莊維德之行太任有娠目不視惡色耳不聽惡聲口不出傲言生此文王而明聖太任教之以一而識百卒爲周宗君子謂太任爲能胎教

太姒文王妃姒氏有莘國長女也幽閑貞靜克配文王又能不妬忌以惠媵妾文王之德業與有助焉穆姬者秦穆公之夫人晉獻公之女晉惠公立使納羣公子曰公族者君之根本秦與晉戰獲晉侯以歸穆姬聞之乃與太子瑩公子弘女簡璧衰經履薪以迎且告穆公曰上天降災使兩君匪以玉帛相見乃以興戎婢子娣姒不能相教以辱君命晉君朝以八婢子夕以死惟君其圖之公懼乃舍諸

靈臺

列女傳

伯嬴者秦穆公之女楚平王夫人昭王之母也吳入郢昭王亡吳王闔閭盡妻其後宮次至伯嬴伯嬴持刀曰妾聞生而辱不若死而榮妾以死守不敢承命吳王退舍伯嬴與其保阿背永巷之門皆不釋兵三旬秦救至昭王復君子謂伯嬴勇而精一

列女傳

明德皇后馬氏援女孝明皇帝立以爲后后好讀書身衣大練率後宮以節儉兄廖上疏勸成德政后嘉納之

章德皇后竇氏大司徒融曾孫女也六歲能書建初二年以選例入見長樂宮進止有序風容甚盛焉太后異焉因入掖庭稱舉日隆明年遂立爲后年八十餘崩

重修鳳翔府志

卷之九

后妃

三

章帝貴人竇氏卽章德皇后文弟也

桓思皇后竇氏大將軍武之女也延禧八年立爲皇后武謀誅宦官爲中常侍胃節等所殺遷后於南宮七年崩合葬宣陵

成帝僖仔班氏况之女彪之姑也爲成帝僖仔帝欲與同輦辭曰聖賢之君皆有名臣末季之世乃有嬖女今欲同輦得毋近乎太后聞之喜曰昔有樊姬今有僖仔後趙飛燕譖告呪詛承問對曰妾聞死生有命富貴在天修正尚未蒙福爲邪欲以

何望使鬼神有知不受不臣之愬如其無知愬之何益故不爲也帝善其對憐而賜之金然終恐見危求退長信宮作紈扇詞以自况

唐

太穆皇后竇氏父毅仕周爲上柱國嘗曰此女有識非凡匹也乃畫二孔雀於屏令請婚者射之中目乃允閱多人皆不合最後高祖至連發二矢皆中一目遂歸於帝

昭成皇后竇氏曾祖抗父孝謙性婉淑循禮睿宗卽

重修鳳翔府志

卷之九 后妃

四

位初爲德妃生玄宗及金仙玉真二公主遂進立爲后葬靖陵

明

韓王妃艾氏隴州人布政艾瑛孫女生有賢德成化中韓王奏請冊立爲妃封艾溥爲兵馬指揮使見

通志

公主

北周

襄陽長公主太祖第五

下嫁扶風竇毅

義陽公主下嫁竇照



安成公主文帝長姊下嫁竇榮定



永嘉公主下嫁竇奉節

遂安公主下嫁竇遠

襄陽公主下嫁竇誕

名媛



重修鳳翔府志

卷之九

名媛

五

班昭字惠同郡曹叔妻也

博學高才兄固著漢書未

成帝詔昭踵而成之

召入宮令皇后貴人師事

焉號曰大家比有大曲

輒詔作賦頌鄧太后臨朝

時與聞國事以出入之

勤特封子關內侯至齊相

漢書始出同郡馬融伏

於閣下受讀兄超年老久

在絕域上疏懇請遂

坐還年七十餘卒皇太后

素服舉哀使監護喪

多著作行於世

馬倫融之女也適汝南

隗瑒遣甚盛隗曰婦奉箕

帚而已何以侈為對

慈親垂愛不敢逆命欲慕

鮑宣梁鴻之高妾亦請從少君孟光之事矣又曰
弟先兄舉世以爲笑今處姊未適先行可乎對曰
妾姊高行殊邈未遭良匹不似鄙薄苟然而已又
問曰南郡君學窮道與文爲詞宗而所在之職輒
以貨財爲損何耶對曰孔子大聖不免武叔之毀
子路至賢猶有伯寮之愬家君蒙此固其宜爾隗
默然不能屈隗旣寵貴當時倫亦有名於世年六
十餘卒

馬芝倫之妹亦有才義少喪親長而追感乃作申請

重修鳳翔府志

卷之九 名媛

六

賦焉

荀秦

蕙蕙字若蘭陳留令道質女也識智精明儀容秀麗
年十六歸於竇滔苻堅時滔以安南將軍鎮襄陽
携寵姬趙陽臺姬歌舞絕倫若蘭恚之不與偕行
滔斷其音問若蘭悔之因織錦爲迴文五綵相宣
瑩心耀目縱橫八寸許計八百餘言縱橫反覆皆
成章句其詩三千七百餘首才情之妙超邁今古
名曰璇璣圖讀者不能盡通若蘭笑曰非我佳人

莫之能解使使齎至襄陽酒感其意送陽臺之關
中具車從迎若蘭至漢南恩好愈重所著有詩文
五千餘言隋亂散失獨迴文盛為傳寫得留於後
世焉

唐

李氏郿人王珪母始珪微時李嘗曰兒必貴然未知
所與遊者何如人試與偕來會房元齡杜如晦過
其家李闕大驚敕具酒食喜曰二客公輔才汝貴
不疑唐書王珪傳

重修鳳翔府志

卷之九 名媛

七

節孝

鳳翔縣

明

周氏鳳翔焦文友妻夫亡撫遺腹子苦節自守洪武
十七年旌表省志

張氏鳳翔劉榮妻年二十守節撫子正統中旌表

王氏毛雄妻鳳翔人年二十三夫亡孀居三十一年

子鶩領鄉薦官知縣正德七年旌表

馮氏生員何慮妻鳳翔人年二十五慮卒撫孤守節

終身

田氏鳳翔庠生杜文妻年十六夫亡兄勸其改適遂終身不登兒門嘉靖中旌表

劉氏鳳翔民李正芳妻年二十九夫亡守節旌表

朱氏副千戶郭文妻鳳翔人夫亡時年十七嘉靖中

旌表

周氏庠生王某妻鳳翔人夫故守志撫子

吳氏劉啟業妻鳳翔人年十六夫亡守節卒七十八

申請建坊

省志

重修鳳翔府志

卷之九

節孝

八

王氏彭彥妻鳳翔人夫亡撫子子復夭遺腹生孫媳

復改嫁氏孤身以織紝撫之至於成立

省志

袁氏鳳翔諸生楊一麟妻年二十三夫亡守志撫孤

年五十一卒萬歷中旌表

田氏杜文妻鳳翔人年二十四夫亡子幼舅姑欲嫁

之氏以死自誓

張氏李仲春妻鳳翔人年二十六夫故眾議他適氏

曰餓死事小况未至餓死耶撫子成立萬歷八年

旌表

薛氏百戶翟亮寅妻鳳翔衛人寅亡氏年二十五遺孤璉甫五歲養姑育子孝慈克盡璉亦早亡無嗣孤苦伶仃與婦張氏同志守節萬歷八年旌其門
俞氏吳份妻鳳翔人份卒氏年二十八歲守節自誓萬歷八年匾其門

劉氏鳳翔高應亨妻夫故氏年二十子女無出家計素貧含辛茹蓼四十餘年

張氏鳳翔梁來鳳妻年二十二而寡居

樊氏鳳翔闊大綸妻年三十而寡守節五十年

重修鳳翔府志

卷之九

節孝

九

白氏鳳翔生員王寵妻夫亡守節五十餘年

劉氏鳳翔人程大夏妻蚤寡家貧子幼堂兄逼易志氏嚙臂自誓撫孤娶媳生孫遂為巨族卒年百餘

歲

雷氏鳳翔人楊國士妻年十九夫亡守節四十餘年
周氏鳳翔庠生雷生妻年二十夫亡守節五十餘年

國朝

程氏鳳翔民張必迥妻迥歿氏年二十二守節五十七而卒雍正四年旌表

蒲氏鳳翔郡庠劉生妻夫亡子女無出守節終身終
無易志

王氏鳳翔武生李增廣妻撫廣戰死氏年二十撫孤
守志終身不易

甄氏鳳翔民楊徽猷妻歸三載而夫亡奉姑教子心
力俱瘁雍正四年題旌時年七十三

李氏鳳翔監生盧傳策妻年十四適盧甫七歲夫卒
氏絕食數日翁姑強之溲溲泔泔下曰日本欲從夫地
下奈親老子幼何遂勵志堅守雍正四年旌表時

重修鳳翔府志

卷之九

節孝

十

年六十六歲

杜氏鳳翔民劉鳳妻年十四歸劉夫亡守節三十五
年雍正四年旌表

白氏鳳翔民張鈞妻年十七歸張六載張亡守節三
十七年雍正四年旌表

嚴氏鳳翔民白孕樸妻年十七歸白越八載夫死守
志年七十三卒雍正四年旌表

李氏鳳翔杜少亭繼妻少亭卒氏年三十叔翁欲奪
其志氏欲自刎叔翁駭止撫前妻子關賢視如已

出

劉氏鳳翔生員劉養吾妻養吾早卒守節三十餘年而卒

王氏鳳翔太學生汪弘量妻弘量遊閩中卒外不歸氏事姑不少怠姑病醫云年老血衰得人血合藥方可治氏卽引刀割臂流血升許不覺痛楚數日創平如初姑亦尋愈人以爲節孝所感

李氏鳳翔朱綬之妻夫故氏年二十五撫子女皆成立

重修鳳翔府志

卷之九

節孝

七

郝氏鳳翔太學生趙承先妻承先逝氏痛哭幾絕守節年七旬方卒子之桂妻劉氏亦早寡痛姑苦節同矢栢舟撫養遺孤兩世永操鄉黨嘆服

薛氏鳳翔庠生孫鷓妻夫亡氏年二十一勵志苦守教子毓英列於庠

胡氏鳳翔庠生強恕妻夫故氏年十九守節終身

李氏鳳翔生員袁有熊妻年十八而寡守節三十餘年

徐氏鳳翔彭雲衢妻夫卒守節訓子歷四十年

李氏鳳翔彭雲冲妻年未三旬夫故誓居元節操年八十三卒

李氏鳳翔生員彭嘉世繼妻前妻子汝翼方數月撫如已出年二十八夫亡矢水藥者三十餘年

張氏鳳翔人千總李齡妻年十九夫亡翁姑老病子方襁褓家赤貧辛勤織紡苦節三十餘年而卒

王氏鳳翔朱良乾妻乾卒氏年二十九撫遺孤文傑後以軍功歷守備氏年八十餘歲

崔氏鳳翔生員劉繼南妻夫故氏年甫十八家貧紡績撫子苦節歷三十年

崔氏鳳翔彭程妻年三十五夫故遭賀寇焚掠家資蕩盡四子一女俱幼紡績訓子家道日起人以為苦節之報

趙氏鳳翔劉暹妻年二十而寡守節四十八年

雪氏鳳翔翰林檢討盧熙妾盧典試滇南歸卒旅邸妻子復相繼歿雪年甫二十生一女為立嗣以主喪葬守節二十五年

張氏楊氏鳳翔人俱運司程雲翼側室程卒二氏矢

程氏鳳翔童生劉爾淑妻適劉甫四載夫故苦守五十二年

楊氏鳳翔曹司銓妻年十五適曹夫故氏年二十守節二十九年卒

劉氏鳳翔陳德政妻夫故氏年十九守節四十餘年彭氏鳳翔程文妻夫死氏年二十守節歷四十年

李氏鳳翔強占鰥妻年十九夫亡守志終身

強氏鳳翔唐化雍妻夫亡氏年十九苦志三十八年

陳氏鳳翔楊起家妻年十七適起家二十三夫故姑

重修鳳翔府志 卷之九 節孝 十四

痛甚氏跪勸曰婦即是男以死自誓

李氏鳳翔劉選妻年二十七而寡苦節二十餘年

王氏鳳翔劉振家妻夫逝氏年二十六撫遺子耀宗

成立娶媳畢氏數年耀宗亦亡畢氏亦以死自誓

撫子成立鄉黨嘆為姑媳雙節

王氏鳳翔李永興妻年二十六夫亡子女無出前妻

生子秉醇氏撫如已出當流寇搶掠氏百方負避

及長為之娶妻鄭氏生孫二秉醇又亡王氏謂其

媳曰守節最難汝自裁鄭曰婆婆不能舍其子我

安忍棄其子遂以雙節稱

孫氏鳳翔周文彪妻年二十而寡守節四十年而卒
王氏鳳翔庠生蒲珽妻珽故氏年二十五苦志終身
黃氏鳳翔李廷秀妻年二十五夫故守志終身

李氏鳳翔郡庠生胡學伊妻娶方二載夫亡守節終
身

張氏鳳翔吳憤妻年二十四夫亡守節四十餘年壽
六十八歲而卒

邵氏鳳翔劉元康妻夫故氏年二十二撫子名琚至

重修鳳翔府志

卷之九

節孝

五

於成立娶媳白氏八九年琚亦病故邵泣謂白曰
我爲爾夫守苦今爾夫又死汝將奈何白涕泣而
對曰姑爲我夫苦守多年我今生子俱幼焉敢不
終姑志遂同心守志邵守節五十餘年白守節三
十餘年

劉氏鳳翔劉師孔女氏夫姓某名宗先早逝氏年二
十一遺二子俱幼同時氏翁亦逝氏夫胞弟夫婿
俱逝遺子年幼惟有姑年邁失明氏爲扶杖任來一
飲一啄必代爲執箸至於日用所需惟藉姑以

給撫養于姪無異一體

周氏鳳翔楊國俊妻年二十九而夫故姑老子幼氏
立志守節壽八旬終

盧氏鳳翔楊馨譽妻夫逝遺孤一歲氏年二十七孀
居自守誓不改嫁年踰七旬而終

吳氏鳳翔陳鳳妻夫故氏年二十三苦志守節

李氏鳳翔杜廷極妻夫亡氏年二十一苦守三十餘
年

陳氏鳳翔張省悟妻年二十三夫故家貧無依氏撫

重刊鳳翔府志

卷之九 節孝

六

二歲遺孤已極艱辛更兼姪子姪孫俱幼失怙氏
撫育婚配槩以身任子可盛娶曹氏生子甫四歲
而可盛亦亡曹氏誓不改嫁同姑育嬰守志陳氏
持節四十餘年曹氏持節三十餘年

孟氏鳳翔駐防朱之政妻夫故氏年二十有七守節
終身

程氏鳳翔石鼎妻年十九適鼎未十年而夫故守節
二十八年乾隆四年題旌

石氏鳳翔張國玖妻年十七適玖故氏年二十一

節三十餘年乾隆五年題 旌

董氏閭鴻憲妻歸憲時一十六歲至二十六夫亡守節三十四年乾隆六年題 旌

程氏鳳翔李德輝妻年二十三夫故遺子積幼氏矢志撫孤守節四十三年乾隆十一年題 旌

張氏鳳翔吳廷來妻年十六歸吳一歲而夫故守節四十一年乾隆二十七年題 旌

薛氏鳳翔楊紳妻年二十二而寡苦節四十一年乾隆二十七年題 旌

重修鳳翔府志

卷之九

節孝

七

郭氏鳳翔庠生李乘勢妻夫故氏年十九苦節四十二年乾隆二十七年題 旌

岐山縣



曹氏岐山李賜妻年二十四守節教子俊官叅政正統時旌表

史氏梁茂妻岐山人年二十五茂卒孀居數十年終無異志茂弟倫妻謝氏年二十二倫卒誓不改適並立坊旌表

劉氏李悖妻岐山人孀居苦節教子憲登進士正德
中旌表

惠氏岐山梁雲鵬妻年二十餘而寡事孀姑撫幼子
慈孝備至年六十餘終

李氏岐山楊桂繼妻桂前娶生子三歲氏生子甫六
月桂卒氏年二十四家計貧苦紡績自給撫二孤
成立人皆不知爲異出壽八十卒

宋氏岐山諸生張邦祚妻年二十夫卒守節五十餘
年

重修鳳翔府志

卷之九

節孝

六

宋氏岐山楊棟妻夫亡以死自誓甘貧守志

柳氏岐山生員范弘載繼妻夫亡氏年二十守節六
十餘年

羅氏岐山王德威妻夫卒氏年二十守節五十餘年

侯氏岐山諸生張自省妻夫亡冰雪自持守志終身

李氏岐山監生王恩妻夫亡氏年二十九甘貧守節
壽九十四卒

劉氏岐山李彥明妻夫亡氏年二十七無子家甚貧
惟織紡以餬口壽七十二卒

李氏岐山生員楊大烈妻年二十五夫亡有勸其再適者氏啣指血以謝遂守志不渝卒撫孤成立

樊氏岐山侯省度妻夫亡守節歷五十年

康氏岐山祝學仲妻年二十四夫亡守節三十年

張氏岐山黃養浩妻年二十七夫亡氏誓無他志

秦氏岐山周玉妻年二十六玉卒孀居守志五十餘

年

陳氏岐山楊保宋妻宋卒子未浹歲孀姑老且失明

氏茹苦歷辛矢志不渝

重修鳳翔府志

卷之九 節孝

十九

牛氏岐山王萬祝妻夫亡氏年三十三歲孝孀姑育

弱子克終其節

謝氏岐山梁倫妻年二十五倫亡人有勸其改適者

啣指出血爲誓弘治初詔旌表其門

楊氏岐山徐必運妻夫亡守志乾隆十四年旌表

李氏岐山侯廷位之妻家貧矢志乾隆十四年旌表

沈氏岐山王兆賢之妻氏芳年守志教子成立乾隆

十四年旌表

張氏岐山王永福妻夫亡守志乾隆十四年旌

劉氏岐山莊辟芳妻夫歿氏年少守志乾隆十五年旌
表

羅氏岐山太子文英妻夫歿天節乾隆十六年旌表

馮氏岐山宋司銓妻夫歿氏守志乾隆二十年旌表

姚氏岐山坦切
氏韶年守節乾隆二十年旌

表

陳氏岐山王憲妻夫歿守志乾隆二十年旌表

樊氏岐山任崇妻夫卒芳年守志乾隆二十年旌表

重修鳳翔府志

卷之九 節孝

二十

周氏岐山劉元貞之妻氏年少矢志乾隆二十年旌
表

李氏岐山陳進賢之妻家貧矢志乾隆二十年旌表

劉氏岐山林茂棠之妻奉姑撫子守志終身乾隆二

十年旌表

王氏岐山朱廣妻夫歿栢舟自矢乾隆二十年旌表

張氏張法仁之妻韶年守志備歷艱辛乾隆三十年

旌表

苗氏岐山巨文宣妻氏年少矢志乾隆二十年旌表

雒氏祝秋元之妻年少而寡矢志冰霜乾隆二十年旌表

張氏李可文之妻夫歿家窘甚舅姑在堂奉養無所出氏乃剪髮易粟人稱節孝乾隆二十年旌表

張氏龐興宗之妻夫歿事姑撫子矢志不移乾隆二十一年旌表

陳氏岐山楊榮之妻夫亡氏矢志不渝乾隆二十八年旌表

寶雞縣

重修鳳翔府志

卷之九

節孝

三

高氏生員楊光論妻寶雞人氏年二十四夫亡撫孤養母艱辛備嘗壽七十五成化中旌表

彭氏張附鳳妻寶雞人鳳任通判卒於官氏年二十四哀慟幾絕生遺腹子誓以死守艱辛萬狀壽八十卒

彭氏寶雞強時修妻年二十三喪夫守節五十六年選貢強時進妻李氏年二十九喪夫守節五十二年

高氏寶雞諸生楊邁妻年十八夫亡翁姑俱老紡績
供養三十年

高氏寶雞諸生強時吉妻年二十夫亡守節四十八
年

高氏生員張乾妻寶雞人夫亡氏守節四十九年奉
文旌表

王氏寶雞諸生高竑妻夫亡氏年十六矢志栢舟壽
五十卒旌表

王氏寶雞張造士妻年未三十夫亡守節終身

重修鳳翔府志

卷之九

節孝

三

楊氏寶雞劉復引妻夫故氏年二十六紡績撫孤矢
志冰霜

王氏寶雞諸生高龍妻年十六矢志守節至五十終
年二十二守節人稱一門雙節

林氏李承芳妻寶雞人早歲喪夫矢志冰霜

張氏寶雞李右妻年二十一而夫亡矢志守終身

譚氏寶雞陳大策妻夫亡時氏年十九守節六十年
沈氏寶雞貢生高第妻夫亡氏年二十三守節三十

年

張氏寶雞高選妻年二十而寡甘貧守節卒年八十七

楊氏寶雞劉文詔妻年二十五而寡守節四十餘年
彭氏寶雞生員楊賓興妻年二十七而寡無子撫姪
爲嗣守節五十餘年

強氏寶雞監生高協緒妻夫亡氏年二十七以姪爲
嗣誓死不貳雍正五年旌表時年五十六歲

趙氏寶雞生員張輪妻輪有孝行早故氏悲痛誓死

重修鳳翔府志

卷之九節孝

三

姑泣諭以親老子幼非爾何依氏遂刺左目以示
靡他貞守五十九載壽八十一院道 題旌建坊
於縣南門內

李氏寶雞原任千戶高光暉妻崇正甲申之變光暉
死職氏年二十餘遭家傾敗子年甫垂髫氏教讀
書入庠孝以奉姑寬以御下守節四十餘年

國朝

楊氏寶雞潘繼昌妻夫亡奉姑撫幼守節終身
吳氏寶雞生員索統妻夫早逝氏奉姑教子夙夜勤

勞卒年六十九

吳氏寶雞生員程三善妻早寡守貞五十九年壽八十一卒

韓氏寶雞廩生高夢徐妻早寡事舅姑曲意承顏孀操五十餘年

熊氏寶雞張琬妻年十九夫故孀居五十餘年

張氏寶雞閭震妻早寡孀居四十餘年

盧氏寶雞龍密妻少寡敬事舅姑撫育遺孤辛苦備嘗壽六十八卒 題請旌表

重修鳳翔府志

卷之九

節孝

十四

馬氏寶雞張誠修妻早寡五十年守如一日壽七十有六

楊氏寶雞寇聰妻早寡家無擔石氏紡織以事翁姑生死皆盡禮子一愚蠢不足為依辛苦至老聞者嗟嘆

党氏寶雞楊大夏妻年少而寡孀守四十七年建坊旌表

董氏寶雞王居所妻早寡孀居五十餘年

閻氏寶雞索發志妻夫逝氏年二十守志五十一年

張氏寶雞 潘克比妻年少而寡守節四十九年壽七

十

薛氏寶雞 尚自壽妻夫故胞弟欲奪其志氏毀容力

拒終身不復歸寧守節五十九年乾隆六年 題

旌建坊

楊氏寶雞 馮進喜妻即自壽之子早逝氏追其姑薛

氏芳踪 兩寡相依一節共勵壽八十二乾隆九年

題旌建坊

沙氏寶雞 袁祈籙妻韶年守志終身

重修鳳翔府志



卷之九 節孝

三

鄭氏寶雞 張楷妻早寡守貧事翁姑克盡婦道壽七

十二卒

張氏寶雞 楊松年妻早寡守志五十年乾隆丙子

題 旌建坊

楊氏寶雞 杜植汭妻早寡孝養翁姑撫育遺孤年三

十而夭 忍痛撫孫甫七齡亦殤氏遂以勞苦悲痛

而卒壽六十有二

閻氏寶雞 王文妻早寡守節四十三載

李氏寶雞 係養賢繼妻早寡事姑教子清守四十年

壽六十六

賈氏寶雞生員容粹妻早寡以死自誓年五十四而終

鄭氏寶雞廬生李棲鳳妻王氏武生李翔鳳妻棲鳳逝時鄭年二十五翔鳳逝時王年二十三俱甘貧守節撫子成名鄭年八十三王年七十七督學覺羅逢題其門曰一門雙節姜班貞範

楊氏寶雞茹大士妻早寡奉姑孝敬礪節四十五年魯氏寶雞王廷輔妻早寡奉順翁姑守節三十六年

重修鳳翔府志

卷之九

節孝

三

李氏寶雞李素妻早寡姑老子幼織紡事育訓子際湯入庠未幾亦逝遺媳胡氏艱苦尤甚姑媳俱孝人皆悲其遇之不幸

楊氏寶雞梁鳳儀妻早寡子女俱亡苦節四十年

杜氏寶雞張鵬翰妻夫故氏年十八奉姑育子備嘗辛苦孀居四十四年媳歐氏亦寡人稱一門雙節

李氏寶雞劉緒宗妻夫故氏年十七子女無出水孀

自矢

袁氏寶雞生員高符妻夫故氏年十九時翁秉鐸韓

城深憂其少氏卽截髮自誓扶夫柩歸葬孝事兩姑守志不渝

馮氏寶雞董如桂妻年少喪夫奉姑孝撫子成立
壽七十有四

張氏寶雞葉枝盈妻年少喪夫奉姑盡孝撫子入庠
苦節三十六年

張氏寶雞王內省妻早寡奉姑撫姪備嘗辛苦壽七
十三卒

張氏寶雞張英妻早寡事姑克孝壽六十

重修鳳翔府志

卷之九 節孝

二十七

羅氏寶雞馮佳妻夫歿氏年十九勤事翁姑教子成立
馮氏寶雞范度妻夫歿事翁一十八年無有倦怠撫
孤守志

彭氏寶雞趙其灝妻夫故矢志五十年

郭氏寶雞楊愷妻夫故氏年二十栢舟自矢

楊氏寶雞傅世醇妻早寡守節終身

張氏寶雞尹希琰妻年二十一夫死事翁姑盡孝誓

節三十六年

張氏寶雞王振聲妻夫亡守貞終身如一

梁氏寶雞張誠妻年十八而寡矢志養親撫孤成立
郭氏寶雞趙璧妻夫亡矢志守節三十餘年

仝氏寶雞張漢良妻年少喪夫堅守不易

張氏寶雞生員楊簡妻簡故氏年十八誓不改嫁壽

七十餘

趙氏寶雞葉枝藻妻夫故事舅姑以孝聞撫子成立

趙氏寶雞吳誠繼室年二十三痛夫苦學不遇而逝

完節撫孤以成夫志

康氏寶雞常安仁妻早寡孝事翁姑終始不怠

重修鳳翔府志

卷之九 節孝

三

傅氏寶雞劉經繼室年二十一夫故子女無出堅貞

不渝

黃氏寶雞生員王樹本妻年二十一而寡奉翁撫孤

之死靡他

高氏寶雞馬體中妻年二十一而寡甘貧守志苦節

三十二年

袁氏寶雞張璧妻年十七而寡隻身奉親苦節彌貞

景氏寶雞王希賢妻年二十夫死終身守志孝慈兩

盡

楊氏寶雞字模妻年十八夫故歷節三十餘年

劉氏寶雞焦現妻年二十一而寡堅志守節

王氏寶雞黃之翰妻年十八夫亡守節壽八十餘

強氏寶雞監生韓之藩妻早寡守節壽至八十四

林氏寶雞楊學禮妻早寡無子矢志堅貞守節四十

六年

陳氏寶雞尚得梁妻早寡守節四十年

容氏寶雞韓金玉妻年二十三夫故父母欲改嫁乃

斷髮自誓堅磨不磷

重修鳳翔府志

卷之九

節孝

三

容氏寶雞劉建元妻年二十夫故無子養族人三歲

兒爲後以孝慈著聞苦節三十九年

秦氏寶雞岳如林妻年十九而寡無子其妯亦寡而

子方歲餘竟改適姑李見有子者尚不能守秦值

芳年無出不忍留命之嫁氏斷髮自誓撫妯子爲

子育養成人姑年九十七氏亦八十二而終

楊氏寶雞常君祿妻年二十三夫故苦節歷久不渝

張氏寶雞張鏐妻年二十一而寡節歷三十餘年

党氏寶雞張朝英妻年二十喪夫守節

倪氏寶雞趙光統妻韶年守節壽七十有二

張氏寶雞張黃恩妻年二十二夫故子女無出撫姪
爲嗣孝奉翁姑孀節五十五年壽七十餘歲

趙氏寶雞支載嶧妻早寡事身以孝聞冰操四十餘
年

馮氏寶雞李楊妻年十九而夫亡勁節五十餘年壽
七十三

高氏寶雞張起鳳妻年十九而寡守志冰霜現年五
十歲

重修鳳翔府志

卷之九

節孝

三十

宮氏寶雞呂夾鐘妻早寡無子家貧嚙臂自誓撫其
姪際府爲嗣府又早喪復撫其姪際顯爲嗣教養
兼至壽六十七

袁氏沈文繡妻早寡無子紡績自度會吳逆亂地方
騷動或勸其更嫁氏必面叱之雖所親不少假撫
族孫爲嗣壽八十四卒

黃氏寶雞吳潤妻早寡遺孤三月時當吳逆亂後閭
井蕭條內外無依截髮誓死力田紡績勤苦靡倦
卒年六十五歲

高氏寶雞姚漢儒妻夫逝氏年十八冰霜日矢墮指
斷髮人稱女中烈士壽七旬有三

趙氏寶雞朱銘功妻年二十夫故乃斷髮日誓壽八十

王氏寶雞高弘烈妻年二十三夫故痛哭幾絕誓死
同穴卒年五十八

強氏寶雞楊挺妻年二十而寡痛不欲生翁姑泣勸
曰汝不念八月遺孤耶遂勉進飲食然終以悲痛
致疾堅不服藥曰遺孤能食粥矣我得早從亡人

重修鳳翔府志

卷之九

節孝

三

於地下何憾越數日遂卒

甯氏寶雞胡淵妻夫死誓天斷髮守貞三十九年

劉氏寶雞索垂統妻子女無出鄰里勸嫁氏決不從
拾薪紡績零丁孤苦年踰七旬

王氏寶雞秦康妻夫故但餘破窰冷灶數具或勸之
嫁氏曰夫死他鄉未還故土且有遺腹忍背義耶
勸者色沮未幾生男育之成人奔夫柩於漢中歸
葬鄉里稱之

曹氏寶雞李時秀繼室早寡誓死撫孤愛前子如已

出携長抱幼避兵伏處僻鄉以紡績爲生壽八十
九

趙氏寶雞生員賈鴻儒妻夫故年少子文英甫八歲
氏守節不渝後文英入庠又逝遺媳李氏年二十
六亦矢志紡績奉姑壽終六十一

郭氏寶雞生員方植本繼室年二十九而寡遺孤幼
悲痛成疾依姪田田復亡妻趙氏年十九遺孤更
幼守志奉郭慰撫弱叔幼子得成立二氏年俱七
十餘

重修鳳翔府志

卷之九

節孝

三五

劉氏寶雞王彩妻年二十而寡撫叔與孤備歷艱苦
王氏寶雞魏璫妻早寡家貧紡績度生備歷辛苦壽
八十一

張氏寶雞袁印妻早寡家貧子幼或勸之嫁氏指孤
而言曰此子既無父何堪復離母乃撫孤守節壽
八十

趙氏寶雞容篤妻早寡撫遺腹子甘貧守志子又早
逝復撫養弱孫壽八十有三

崔氏寶雞董舒統妻年十七而寡上下無依撫遺孤

紡織度日嫺節五十餘年壽六十八

張氏寶雞張世俊妻早喪夫守志苦節不渝壽至八十

張氏寶雞楊敏功妻早寡苦節四十年壽六十五

高氏寶雞楊文禮妻早寡子甫二歲甘貧守節壽七十七

楊氏寶雞王纘惠妻年二十夫死守節卒年六十二

高氏寶雞馮璋妻年二十而寡苦節撫孤及長出仕曹縣主簿氏壽至八十

重修鳳翔府志

卷之九

節孝

三三

姚氏寶雞鄧文選妻年二十二喪夫家赤貧矢志撫

子採薪奉養壽七十九

趙氏寶雞白文彩妻年二十二喪夫苦節撫孤子本

素中陝西經元壽七十七

喬氏寶雞沈時宜妻夫故年少守志壽七十

張氏寶雞毛相成妻夫故氏年十九無子繼姪爲嗣姪長又亡復繼姪孫爲嗣撫養艱辛卒無異志年

五十四卒

焦氏寶雞俱體仁妻早年喪夫子幼苦操四十四年

壽六十八

韓氏寶雞雷時動妻早寡子幼苦節五十年壽七十

五

曹氏寶雞陳一新繼室早寡撫前室子如已出厲節

四十一年壽六十八

王氏寶雞張述孔妻早寡貞潔自矢壽六十七

楊氏寶雞茹成棟妻少年喪夫甘貧守志壽八十

王氏寶雞劉漢政妻年二十二夫亡次志五十五年

乾隆二十六年 題旌建坊

重修鳳翔府志

卷之九 節孝

一四

溫氏寶雞楊世綸妻早喪夫苦節撫子桂及長桂又

逝遺媳溫氏年二十二兩寡相依辛勤萬狀

孫氏寶雞翟智妻年二十三夫亡甘貧撫孤成立年

登八旬餘

關氏寶雞張文善妻早年喪夫家徒四壁苦節三十

八年

吳氏寶雞王辭讓妻夫故無子撫二戚族姪為嗣織

緝自給

王氏寶雞靳之昆妻早寡叔弱子幼

貧無依織緝

育子成名壽六十三

強氏寶雞方宏業妻早年喪夫永操五十五年

何氏寶雞李基唐妻早寡叔令改適卽毀容力拒食

糠菜充飢苦節不渝

朱氏寶雞魏從堂妻夫亡守志苦節歷五十餘年

楊氏寶雞楊佐相妻年少喪夫內外無依耕織自度

苦節彌堅

歐陽氏寶雞楊胡妻夫故無子撫姪盡心恩養霜節

無瑕

重修鳳翔府志

卷之九 節孝

三五

羅氏寶雞車金與妻夫故無子撫族曾孫為嗣內外

無依苦節彌貞

李氏寶雞李柱妻年少喪夫家赤貧撫孤不貳志助

弟背歸父骸於蜀並營葬之孝義有丈夫所難者

仲氏寶雞索肇鑾妻夫死撫孤守志四十餘年

李氏寶雞程希春妻年十七寡堅貞守志歷五十年

楊氏寶雞鄭舉妻夫亡無子撫姪為嗣矢志永清

賈氏寶雞楊灝妻夫死苦節四十一年壽六十四乾

隆十三年建坊旌表

董氏寶雞王紀妻年二十一夫亡無子撫叔如子壽
六十二

溫氏寶雞張其璞妻年十九喪夫撫三月遺孤守志
不奪

劉氏寶雞楊逢泰妻早寡撫子成立甘貧守志貞靜
自持

張氏寶雞王用德妻夫故氏年十九無子守節志堅
金石歷年不磨

梁氏寶雞吳印伯妻年二十四夫故遺孤五歲矢志
重修鳳翔府志

卷之九

節孝

三六

完節有姪喪母撫如已出人皆頌之

黃氏寶雞董有庠妻年二十一夫亡家貧撫孤孤亡
撫孫年六旬

康氏寶雞毛珍成妻早年喪夫孀守五十餘載

沙氏寶雞王紹善妻早喪夫家貧如洗矢貞三十五
載

曹氏寶雞杜枝實妻年二十四喪夫無田產紡績以
贍育四歲孤成立而子媳俱亡復辛苦育幼孫有
成

高氏寶雞陳王泰妻十九喪夫撫數月孤至長既婚
娶後復逝媳亦隨亡隻身無依耕織度日苦節五
十年壽六十九而終

楊氏寶雞劉煥妻年二十二夫亡子幼矢志守節艱
苦備嘗壽七十八

趙氏寶雞魏經正妻年二十四夫亡子幼苦志四十
餘年壽七十一子韜妻朱氏年二十七守寡人稱
一門雙節

王氏寶雞楊自龍妻自龍歿時王年二十七子作宋

重修鳳翔府志

卷之九 節孝

三七

方週歲氏一身支持勤苦度日作宋成立又逝遺
媳王氏年二十一兩寡相依俱以節終

梁氏寶雞張克爲妻年二十二夫喪子幼苦節四十
三年壽六十五

劉氏寶雞袁良相妻年十八而寡遺孤數月矢志守
節六十九而終

姚氏寶雞胡相妻年二十二而寡堅心守節歷三十
五年

冶氏寶雞楊緒妻年二十五夫故矢志三十年五十

八卒

翁中寶雞孟金妻李氏金男宗禮妻金亡翁年二十
七宗禮亡李年二十一姑媳雙節閭里稱歎

張氏寶雞張雲貞妻年少喪夫子幼身親耕織無有
死言

衡山寶雞李之桂妻年二十二夫故撫孤成立

董氏寶雞王价妻年二十二而寡守志撫孤節比松筠
趙氏寶雞段福妻年少喪夫孤幼家貧矢志守節三
十餘年

重修鳳翔府志

卷之九

節孝

三

韓氏寶雞楊夢祥妻早寡無子家貧守志撫姪爲嗣
宗支不絕壽八十二

魯氏寶雞田璞珍妻早寡孤幼盡瘁撫育未幾孤復
生氏矢志靡他守節四十六年壽七十以族孫爲

嗣

黃氏寶雞張紋妻年二十二夫故遺長子四歲次子
二歲家窘迫氏刻苦支持育之成立壽六十六

王氏寶雞馮進位妻年二十三而寡無子撫姪氏以

壽而終

李氏寶雞王仁妻早年夫故安貧矢節四十餘年
魏氏寶雞閆綱妻年二十一而寡家貧一子苦節六
十六年

郭氏寶雞魏愷妻年二十二而寡子幼矢志不移壽
七十餘

李氏寶雞尉大畧妻年二十五夫故以死自誓苦守
五十餘載

閆氏寶雞俱恭妻年二十四夫故苦節不貳壽六十
三

重修鳳翔府志

卷之九

節孝

三

張氏寶雞李謨妻年二十一而寡無子守志不奪年
五十一卒

扶風縣

元

李氏孫福妻扶風人夫亡守節延祐二年旌表

明

許氏扶風李實妻夫亡事親至孝守節三十年景泰
二年旌表

董氏胡宗顏妻扶風人夫亡年二十一甘貧撫孤矢

志五 一年嘉靖中旌表

高氏通判胡宗儒妻扶風人年二十四守志撫孤勤苦七十年撫按旌之

孫氏庠主王在鎬妻扶風人年二十夫亡孝事舅姑以紡績自給守志四十年足跡未嘗出閭里人稱爲女孔子

王氏扶風馬道遠妻通判衡女也幼年苦節艱難備嘗以盡壽終

孫氏扶風生員趙一琴妻年二十餘夫亡伯氏欲奪

重修鳳翔府志

卷之九 節孝

四

志令婦妾迫之氏自經賴鄰媪救免伯又奪其產業且謀墮其孤氏避之他所辛苦保育授經訓誨克底成立後伯夫婦俱歿氏自營葬祭撫遺女如已出人以為難年五十餘終

國朝

楊氏扶風生員王秉銓妻年二十九孀居值流寇陷城氏保孤誓守備歷險艱子孫俱入庠年七十三卒

唐氏扶風民張英侶妻英侶亡氏年二十二矢志完

操教子成立年八十四歲而終

喬氏扶風高其行妻孀居四十餘載邑令杜俊章表之

張氏扶風王憲孔妻憲孔歿遺孤甫週歲家赤貧孝事孀姑辛勤育孤四十年無變志

陳氏扶風吳鳳妻年二十五而寡家貧無倚氏拮据葬夫事老姑孝養尤謹辛勤撫孤年七十餘卒邑令旌廿六門

申氏扶風于中貴妻夫亡守志訓子苦節四十餘年

重修鳳翔府志

卷之九 節孝

聖

鄭氏扶風民楊樸繼妻年二十六而寡無所出撫前室子錦成立娶媳賈氏生孫涇賈卽亡氏撫涇亦成立涇妻康生曾孫鼎彝甫數月而康又亡氏哀年撫鼎彝愈篤冰蘖一心劬勞三世年七十二而歿

白氏扶風衛士鎬妻年二十一鎬卒守寡六十餘年壽踰八十

喬氏扶風党奎璧妻青年矢志貞操不磨屢膺旌表陳氏扶風楊之清妻守節三十二年卒邑令賜匾曰

茹藥可欽

魏氏扶風廩生甯盡禮妻守貞撫孤學憲楊賜匾曰

松筠比節

衛氏扶風王世成妻奉姑育子三十九年縣令莊表

曰節孝可風

梁氏扶風孫清妻

王氏扶風李福林妻

宋氏扶風蘭可璚妻夫故時三日不食後四十七年

卒

重修鳳翔府志

卷之九

節孝

四

趙氏扶風成進傑妻

屈氏扶風王克讓妻守節三十一年

劉氏扶風庠生王國璿妻守節四十一年

蘭氏扶風生員王燿妻守節二十九年邑令張匾曰

松筠挺節

曹氏扶風生員馮御妻甘貧守貞邑令毛旌曰栢舟

獨矢

樊氏扶風權經濟妻二十五夫故無子茹茶飲水苦

志三十七年卒

趙氏扶風劉開運妻

田氏扶風李楓妻苦節育子逾三十載學使旌曰栢
操松年

王氏扶風趙建業妻年十八夫亡撫孤育叔幾四十
載學使題匾曰全兩世孤

李氏扶風庠生王益嘉妻郿處士李雪木季女夫亡
矢志靡他茹荼拾薪以終其身

喬氏扶風党璧聯妻璧聯卒氏矢志守節五十七載
邑令毛表曰冰心玉映

重修鳳翔府志

卷之九

節孝

四三

王氏扶風張敬修妻年十九守節育子後四十七年
卒

朱氏扶風李振玉妻夫故氏年十八遺孤二歲守節
育子乾隆三年旌表

田氏扶風郭積穩妻夫歿氏年二十一生三子長五
歲次三歲次數月孀姑在堂家貧無依氏竭力養
姑育子姑逝賣釵服以供殯葬乾隆七年旌表

李氏扶風李法乾妻夫歿氏年二十一生子甫周歲
守志奉姑姑病氏抱子左右湯藥未嘗稍懈後生

事死葬克代子職乾隆十三年旌表

蘭氏扶風李法坤妻夫歿氏年二十遺孤三月氏誓以死守偕姒李氏日夜紡織度日乾隆十三年旌表

李氏扶風朱良相妻夫歿氏年二十四遺孤三歲翁姑衰老家貧無依氏日績夜紡以供衣食乾隆十三年旌表

蘓氏扶風強敵妻夫歿氏年二十四子方五歲伯氏嘗逼改嫁氏斷髮懸門晝夜哭於柩側伯氏感愧

重修鳳翔府志

卷之九

節孝

四四

遂苦節終身乾隆十三年旌表

梁氏扶風李榮貴妻夫歿氏年二十六遺子未周歲姑亦繼歿家貧甚氏變易釵服以供殯葬苦守撫孤乾隆十四年旌表

薛氏扶風苟彬妻夫歿氏年二十七生二子長五歲次三歲有堂叔某謀吞氏產勒逼改嫁氏斷髮毀容以示靡他叔謀乃息守節終身乾隆十四年旌表

楊氏扶風高一祥妻夫歿氏年二十三遺孤方周歲

氏堅志守節恩勤育子母兼父道乾隆十四年旌表

王氏扶風張銘妻夫歿氏年二十一遺孤方周歲育之成立家素窘間或數日不舉火從不對人言貧乾隆十五年旌表

侯氏扶風范應全妻夫歿氏年二十二遺孤甫三月姒亦早亡遺二子俱幼氏一體撫育俱至成立乾隆十六年旌表

楊氏扶風白子儒妻夫歿氏年二十四遺子二長四重修鳳翔府志

卷之九 節孝

四十五

歲次數月家素貧翁姑俱未葬氏買釵服厝三棺晝夜勤紡績育子成立乾隆十六年旌表

王氏扶風高輝妻夫歿氏年二十五生子二長五歲次二歲氏苦育及長娶媳生孫四媳復早亡氏復勞瘁撫育四孫俱至成立乾隆十六年旌表

趙氏扶風石朗僚妻夫歿氏年二十一遺孤方二歲家貧親老氏養親撫孤備歷艱苦乾隆十七年旌表

李氏扶風楊三傑妻夫歿氏年二十八子女無出親

友勸其改適氏乃泣跪伯姒前曰伯氏若有兩子
時願繼一子承夫祀伯姒許諾卽以死自誓苦節
終身乾隆十七年旌表

王氏扶風毛守信妻夫歿氏年二十七家徒四壁親
族勸其改嫁氏抱二歲孤兒泣誓於親族前曰生
爲毛氏婦死爲毛氏鬼舍孤失節所羞爲也勸者
色沮遂苦守終身乾隆二十年旌表

朱氏扶風張明理妻夫歿氏年十九欲從夫死以遺
子甫數月繼姑年六旬並無所依親族勸慰勉進

重修鳳翔府志

卷之九

節孝

四六

飲食遂以婦代子職母兼父道人稱節孝乾隆二
十年旌表

殷氏扶風羅績妻夫歿氏年二十六生子三長七歲
次四歲次甫兩月翁病姑老親鄰慮其失養氏指
天自誓以婦代子職奉養終天乾隆二十一年旌
表

呂氏扶風李璵妻夫歿氏年二十一遺孤甫七月姑
歿翁病家無養贍氏憑紡績日侍湯藥未嘗少懈
乾隆二十四年旌表

康氏扶風祈碩妻夫歿氏年二十三生二子長三歲
次甫兩月家貧甚氏忍受凍餒撫育二子至拾遺
草以爲炊挖野蔬以爲食歷盡諸艱乾隆二十四
年旌表

任氏扶風田必通妻夫故氏年二十遺孤方九月氏
立志守節撫孤及長教訓甚嚴小過必責遂成謹
厚士乾隆二十五年旌表

王氏扶風生員寶銘妻夫故氏年二十三遺孤方兩
月貧無以爲資鄰婦勸其改嫁氏面斥絕往來以

重修鳳翔府志

卷之九

節孝

七

紡績度生育子乾隆二十六年旌表

馬氏扶風張宗孔妻夫亡氏年二十二子方三月翁
姑痛甚氏飲泣不敢哭恐傷翁姑心惟斷髮毀容
誓以死守乾隆二十七年旌表

李氏扶風傅宣妻夫故氏年二十一卽欲從夫俱死
以遺腹五月夫嗣未立晝夜獨居柩側默默泣禱
未幾生子遂一心守節撫孤乾隆二十八年旌表

呂氏扶風王宏毅妻守節時氏年二十八夫歿後九
日始生一子親老家貧氏內勤紡績外採詩書以

供衣食間有親鄰周恤以精奉親粗者自咽乾隆二十八年旌表

李氏扶風童生辛恕妻父歿恕廬慕三年後完娶時氏年二十五一歲而夫歿惟有一幼女氏乃停夫柩於家日夜居柩側紡績奠祭三年葬之前日氏自縊救免乃剪髮割耳以小柩納夫柩隨葬誓死守節

郿縣

明

重修鳳翔府志

卷之九

節孝

四

劉氏郿縣生員王麒妻嫁踰期而麟物故氏年二十五孀居教子六十餘年邑令旌其門

胡氏郿縣生員蘓宇妻貞靜淑慎孝事舅姑冰操自勵教子必延以明經顯享年八十

孔氏郿縣王某妻年十六夫亡毀容自廢矢死靡他績維以事舅姑撫遺孤三十年以壽終

常氏郿縣生員張景仲妻景故氏青年守節終身

周氏郿縣生員張引長妻夫亡守節撫二子入庠皆有名望

孫氏郿縣生員趙璵趙琛祖母早寡守節

柳氏郿縣璵琛母守節訓子

劉氏郿縣生員楊銘母守節撫孤督學閔匾曰苦節

雜風

史氏郿縣生員段乃成妻夫亡撫子儲錦守節辛勤
彭氏舉人李華先妻郿縣人華先爲聞喜令有聲卒
於任氏輿櫬歸年未三十操持家政苦節終身

何氏趙文吾妻郿縣人幼端嚴凝重歸趙時年已
笄而趙未冠進飲食案齊眉也數年舉一子自勵

重修鳳翔府志

卷之九

節孝

四九

在衽而趙逝氏躬自操作以紡織燈火佐自勵誦
讀自勵旣爲諸生有遠志門多長者車氏年八十
七卒

薛氏郿縣許某妻生子女三人而許卒遺產不及中
人而外困征役內逼毒宗氏乃不辭拮据治家咸
中緒理歷五十餘年壽八十餘終

蔡氏郿縣張祿妻夫亡遺孤甫兩月氏年二十二艱
辛不渝嚴督教導苦節五十餘年以壽終督學沈
縣令陳俱匾曰正節

牛氏劉氏王汝登妻妾也汝登卒二氏俱韶齡遺孤
珊璞皆在孩提備極艱辛珊少遊庠璞重鄉評俱
劉出牛撫之如已子二氏俱以苦節終孫聚奎仕
至中丞世發其祥

王氏郿縣人通判趙汝礪妻汝礪出仕尋卒遺孤一
頗氏撫入庠

楊氏郿縣趙一頗妻夫天氏孝事孀姑撫子道濟正
濟俱入庠姑媳以節濟美

國朝

重修鳳翔府志

卷之九 節孝

五

劉氏郿縣師學騫妻年二十五夫亡遺三歲孩資時
明末多歷險阻終不改節至八十四以壽終其子
資入庠事母孝鄉里匾曰節孝之門

白氏郿縣生員岳生栢妻夫亡氏年十九孝事衰翁
教幼子璋甫食餼璋歿撫孫志翺翺入庠先白亡
復養二曾孫又皆不祿苦節四十七年終闔庠公
舉旌表

仰氏郿縣安榮妻夫亡氏年二十六守節至七十五
終縣令陳匾曰筠節和熊子調鼎孫履俱庠生

師氏郿縣張錦妻夫亡氏年二十三遺二子長早亡
次瞽氏甘守冰霜至五十五卒

王氏郿縣岳德靈妻夫亡氏年二十五撫遺孤河入
泮爲明經名士守節二十餘年

何氏郿縣武生賀恪妻夫亡氏年十九遺孤三月氏
栢舟自誓歷三十九年

傅氏郿縣楊弘義妻夫亡氏年二十八子甫一歲孤
立無依嘗日不再食而矢志益堅歷三十七年

張氏郿縣監生王中道妻夫亡氏年二十六遺二子
俱幼曾遇竒荒氏苦守教子次子永清入泮

傅氏郿縣貢生王鎬妻夫故氏年二十八蔬食素服
謹凜自持三十年無間言闔庠公舉旌表

梁氏郿縣生員趙泌妻性賢孝夫故無子氏年二十
四勤苦持家歷三十一年撫姪爲嗣愛如已出

嚴氏郿縣田爾悝妻夫故氏年二十四遺一子在抱
氏孝姑撫孤並諸姪歷三十餘年

馬氏郿縣生員王勳妻夫故氏年二十六家貧親老
子甫數月氏善事舅姑歷五十七年子咸修儉於

庠

白氏郿縣張炳妻夫亡氏年二十守節撫孤其祖父
母與姑皆賴終養焉歷三十五年

麻氏郿縣孫梅妻夫故氏年二十一遺孤二歲孝事
孀姑甘貧守節歷五十七年

趙氏郿縣李桂妻夫故氏年二十二生子月餘履苦
守志五十九年

賈氏郿縣梁廷望妻夫故氏年二十三撫育遺孤甘
守困頓歷五十六年

重修鳳翔府志

卷之九

節孝

五三

張氏郿縣汶志昇妻夫故氏年二十五撫孤成立艱
辛不渝歷四十年

王氏郿縣史開肇之妻夫故氏年二十無子氏乃青
年矢志歲時設祭盡哀撫猶子如已子歷三十三
年

師氏郿縣王鼎妻夫故氏年二十九孀居事姑備極
艱辛歷節六十二年

馮氏郿縣民李代妻于歸十年夫歿子甫三歲氏矢
志靡他夫二弟娶室相繼歿各遺幼孤氏撫如已

于鄉里公舉節義氏堅辭邑令張訪實表其閭焉
李氏郿縣魏用蘭妻年二十二孀居翁姑相繼歿家
貧鬻女殮葬苦節三十五年子茂祚入庠
齊氏郿縣歲貢生楊崇文妻順治初崇文遊學於外
值逆賊賀琛聚眾猖獗闔村驚逃氏翁起鳳爲賊
執刀傷頭臚氏冒刃救護哀號激烈賊義而釋之
邑里稱其賢孝

麟遊縣



重修鳳翔府志

卷之九

節孝

三

劉氏麟遊諸生呂引年妻引年死於非命氏年二十

止遺一女臨葬啟穴將投殉家人覺而持止送歸

母家復自縊以救免由是毀容守節孝養舅姑有

欲奪志者氏噓指出血搗面大痛人聞而止守節

三十餘年以壽終萬歷八年關西道旌其門

劉氏麟遊侯禹臣妻禹臣卒氏年二十五卽自縊以

救免葬時復自投穴中折其左膊幾死與歸以幼

子爲解乃止家道素貧耕織自給萬歷八年關西

道旌其門

張氏麟遊諸生甄柟妻武功人也柟卒氏哀號欲絕其季父喻以立孤死節難易氏遂勉力撫孤毀容杜門時年二十餘子生甫五月翁姑夫三喪未葬伶仃孤苦強自支持壽九十餘卒萬歷十三年詔旌其門

呂氏麟遊何謚妻從夫隨翁任夫歿氏年二十餘生子甫浹歲痛夫死異鄉嘔血幾死及歸扶櫬步行每至逆旅抱子撫棺徹夜悲號聞者哀之抵家媪形已不似人營葬畢一貧如洗苦節四十餘年萬

重修鳳翔府志

卷之九

節孝

五十四

歷二十年詔旌其門

董氏生員石可貞妻麟遊人夫卒遺子歲餘氏含辛鞠子後五年子殤遂取夫主於臥室焚香自縊萬歷中旌表

陳氏麟遊生員何呈圖妻年二十餘夫亡剪髮納棺以矢厥志撫遺子汰稍長三爲擇師教之崇正丙子汰登賢書氏孀居五十餘年無疾而終邑令吳稱其貞操比之共姜義方媿於孟母云

劉氏麟遊人縣丞魏俊妻夫亡守義教子成立

樊氏麟遊生員何伯鎰妻夫亡撫孤以守節終

李氏麟遊生員甄一鵬妻

趙氏麟遊何洛妻

馬氏麟遊監生甄璠妻

侯氏麟遊監生田孔殷妻

劉氏麟遊生員侯練妻

呂氏麟遊儒士劉鱗妻

劉氏麟遊甯極亨妻

楊氏麟遊呂璉妻

重修鳳翔府志

卷之九

節孝

五

呂氏麟遊何其偉妻

劉氏麟遊諸生呂璉妻芳年守節撫育二子相繼而

殞伶仃無依以績繼自給終其天年

郝氏麟遊趙應乾妻年二十二而寡歷試兵荒不渝

其志二子俱成立卒年八十

國朝

魏氏麟遊生員呂擢妻年二十七而寡翁姑衰老雜

子孱弱氏仰事俯育孝慈兼盡後翁姑俱以壽終

二子並入學校氏年六十五卒

趙氏麟遊民李儀鳳妻年二十四鳳亡家徒四壁氏晝夜績紡易粟而食拾薪而炊歷五十載撫子女皆婚嫁更貽厥孫謀焉

李氏麟遊生員劉寧繼妻年十七歸劉二十一而夫歿母家憐其少微言改嫁事氏剪髮誓守幽居一室親族罕覩其面撫前室遺子紡績以資讀書獲八泮

沈氏麟遊民劉元命妻年二十二歲寡居家甚貧誓不改迴姑亡舅存竭力奉事克盡婦道生父年老

重修鳳翔府志

卷之九

節孝

五六

無子媳迎養於家十數年晨昏不怠歿葬以禮與男無異

田氏麟遊生員魏大經妻年二十歲夫亡守志事翁姑生養死葬俱能盡禮並善事繼母無一女一子俱成人苦節三十九年而卒鄉里憐之

李氏麟遊民母與妻年二十七而寡子女無出家貧守志晝夜紡績自給遇荒歲嘗數日不舉火有勸他適者卽怒絕之後抱養棄兒得成立爲嗣歷三十六年卒

王氏麟遊歲貢張鼎甲妻事姑盡婦道年二十七歲夫亡撫二孤理家務艱苦備嘗年七十四歲卒

劉氏麟遊卒濬妻濬生而愚癡氏與伉儷克諧畧無憎嫌意至二十二濬歿遺一子一女舅姑憐其年少欲改適氏不從堅志守節孝事翁姑慈撫兒女官師表其門

趙氏麟遊拔貢劉從龍妻從龍隨父河州訓導任病卒氏年二十一歲痛欲同死以親老子幼事奉撫育備嘗艱辛苦節六十六年卒

重修鳳翔府志

卷之九

節孝

五七

汧陽縣

明

魏氏汧陽趙邦彥妻年二十五而夫亡遺孤於庭甚幼氏矢志守節後於庭以明經任教授氏年九十五而卒朱氏於庭子徵之妻也徵爲名諸生卒氏年十八子一鶴尚在襁褓氏欲以死殉翁姑委曲諭之乃勵志苦守後一鶴亦舉明經人稱一門雙節

呂氏汧陽庠生蘓贊育妻年二十而寡守節五十年

教子入泮鄉里稱其賢節

蘇氏汧陽曰廷諫妻年二十一而寡守節四十二年
教子入泮鄉里稱其賢節



蒲氏汧陽字輔仁妻年二十三夫亡無嗣矢志守節
撫養幼叔未幾姑亡叔天承翁命撫甥為嗣雍正
三年旌表時年六十餘

宋氏汧陽沙成湖妻年二十三夫亡二子俱幼翁姑
欲令轉適氏毅然立志守節終身

重修鳳翔府志

卷之九

節孝

五十六

李氏汧陽魏效徵妻年十九夫亡長子四歲次子在
腹家甚貧撫孤成立苦節四十餘年

耿氏汧陽高佩妻年二十二夫亡遺孤幼氏誓凜
舟教子成立苦節七十餘年

李氏汧陽生員朱必服妻年二十二夫亡遺孤甫
餘氏苦志撫孤方舉一孫兒媳又俱夭復撫孤
鄉里稱之

冉氏汧陽張佐相妻年二十六夫亡遺二子家無
業晝樵夜織撫育孤子有夫叔逼氏欲投

已壽至六十三苦節始終如一

趙氏汧陽生員閻奏公妻年二十四夫亡家計蕭條
或欲奪其志氏誓死弗變守節三十餘年

徐氏汧陽武繼文妻年十九夫遠出奉姑以孝後夫
竟杳無音問或逼其改嫁氏率二子遷徙避居矢
志益堅守節三十餘年

冉氏汧陽羅景玉妻年二十八夫故遺三子一姪氏
紡績育孤撫姪如已出年七十八卒

張氏汧陽生員裴綬妻夫將歿以親老無子爲慮氏
重修鳳翔府志

卷之九 節孝

五十九

乃對夫 嚙指誓以死守過繼本宗子爲嗣孝事翁
姑及歿 泣血斬衰徒步塋葬人謂有子不迺如是
守節四 十三年乾隆十四年 題旌建坊

梁氏汧陽馬進喜妻夫歿氏年二十二子幼天親老
家貧繼 伯兄一子爲嗣竭力撫育孝事翁姑苦節
五十年 乾隆十四年 題旌建坊

隴州

陳氏隴州舉人關傳妻同傳入京傳道病卒扶櫬歸

守節訓子四十二年

沈氏隴州苟一新妻年二十七而寡守節四十八年
關西道表其貞節

梁氏隴州監生米養博妻年二十七而寡守節四十
二年院司旌表

李氏隴州庠生閻鈺妻年二十八而夫亡遺孤甚幼
氏飲冰茹蘖屢經挫折守志不渝後其子入庠氏
年五十六而卒守節三十年

閻氏隴州庠生李汝松妻夫亡氏年二十九自縊死
重修鳳翔府志

卷之九

節孝

卒

救免子在襁褓育之成立艱苦萬狀萬歷八年關
西道表其貞節

國朝

鄭氏隴州生員李春芳妻年三十夫亡守節齊氏李
寅甲妻卽鄭媳也寅甲早亡姑媳相依教子育孫
慈嚴並至家貧屢丁兵祲終始不渝康熙四十九
年題旌

李氏隴州李崇榮妻年二十六崇榮故氏斷髮誓守
孝事翁姑教遺孤塘克兼父道孀居三十八載康

熙四十九年旌表

俱氏隴州姚度妻度死甘貧守苦孝事翁姑守志六十五載

楊氏隴州尹希顓妻夫死氏年十九遺孤週歲撫養成立矢志六十年壽八旬終

楊氏隴州郡庠生閻可讓妻夫亡氏年二十日夜痛哭至於吐血兩月身死同葬

張氏隴州韋臣妻夫亡守節四十二年

王氏隴州姚守官妻夫亡氏年二十四守節三十六

重修鳳翔府志

卷之九

節孝

空

年

劉氏隴州庠生尹際湯妻夫故氏年二十八苦守孤寡紡織自度

蒲氏隴州庠生馬千承妻貢生錫庶之母年十六適千承十九夫亡遺孤幼誓志守節年逾七十康熙四十九年旌

鄭氏隴州生員徐良翰妻年二十五夫亡哭泣頓絕者數次良翰有孝行其歿也父母痛甚氏體夫志奉舅姑甘旨竭誠祭葬盡禮家有薄產氏以紡織

所蓄早完正課教子成立苦節三十餘年雍正四年旌表

孫氏隴州強弘相妻年二十八歲夫故氏痛哭至雙睛出血幾於失明截髮自誓撫孤成立守節三十一年乾隆三年旌表

閻氏隴州劉從學妻年二十一而寡家貧無子翁目失明姑復連病氏冰霜自操憑紡織奉養不懈翁姑歿遺叔五歲氏撫養成成人守節三十四年乾隆十一年旌表

重修鳳翔府志

卷之九

節孝

三

閻氏隴州廩生胡繼宗妻夫歿氏年二十九歲上有七旬孀姑下有九歲孤子氏竭力奉養數年姑歿子年十八復歿遺孫甫彌月氏殯葬姑柩撫孫長大辛苦備嘗歷四十四年乾隆二十一年旌表

馬氏隴州趙宗哲妻年十九夫亡氏痛哭欲以身殉姑泣以氏身孕勸止之未幾生子殷勤教養長列庠序守節四十一年乾隆二十四年旌表

韓氏隴州生員闞永元妻夫歿氏年二十一翁姑以氏年幼令改適氏跪泣曰婦人從一而終寧違命

不敢失節遂紡績教子守節四十九年乾隆二十五年旌表

趙氏隴州生員嚴淑澤妻年二十七夫逝氏截髮毀容以示不二勤紡績以事翁姑雖家貧如洗處之晏如教諸子俱克成立守節四十一年乾隆二十五年旌表

侯氏隴州嚴可倉妻夫歿氏年一十八青年矢志雖親戚罕覩其面撫繼子如親生守節三十九年乾隆二十九年旌表

重修鳳翔府志

卷之九

節孝

三

閻氏隴州吏員張爵妻夫歿氏年一十八日夜痛哭不食及送葬以頭觸棺血流滿面撫繼子倍加恩勤守節三十四年乾隆二十九年請旌以上苦節

瞿氏隴州曹直妻夫歿氏年二十四歲守節三十九年題請給匾

趙氏隴州尹奉德妻夫歿氏年一十九歲守節三十五年乾隆十六年題請給匾

趙氏隴州郭衛邦妻夫歿氏年二十八歲守節三十二年乾隆十六年題請給匾

孟氏與濟令王者賓妻值賀寇亂被擄罵賊不止賊怒殺之

岐山縣



李小圓岐山人若梓之女許字王邦寧未于歸邦寧死小圓親臨赴弔一慟而絕久乃得甦入厨作粥奉姑曰聊盡婦禮從此尋夫地下端坐喪次是夜大雷震電屋瓦皆裂母姑驚視圓已逝矣殮三日面色如生時萬歷乙巳三月十一日也狀聞勅建

重修鳳翔府志

卷之九

貞烈

六五

烈女祠樹坊旌表

寶雞縣



李氏舉人党恂如妻崇政末由京邸歸過容城值追寇者疑爲寇屬欲脅去氏怒罵被殺幾死

陳氏庠生袁逢辰繼室寶雞人遭寇亂舉家被擄陳携六歲兒遇賊大罵不屈舌血染裳賊怒曰汝倔強如此寧不惜幼子乎從則俱活陳罵益力母子並遇害

胡氏寶雞人其夫失名流寇破縣逼之上馬氏大罵賊怒碎其屍

蹇氏寶雞廩生二子震生妻震生歿無子氏親視含殮一一盡禮三日後縊于柩側府縣題額旌表

薛氏寶雞劉宏先妻性慧知書畧通女孝經年十七適宏先宏先卒友性成氏克相其夫既而夫故氏子女無出號泣失血死而復甦者再四曰從夫於地下我心所安家人失防遂於夜靜閉戶自縊鄉里哀之共題其墓曰節烈薛氏之墓

重修鳳翔府志

卷之九 貞烈

六

王氏寶雞李茂華妻在孤村有王一位者臂鷹過其門值華出位私挑之氏不受污繼以大罵位恐事泄欲滅其口連斫數刀氣絕而逃獄久不具有里媪見是日踰牆走而有倉皇之狀者王一位也遂鞫訊得實乃正法題旌建坊於縣街北巷口

貞女王氏寶雞去歲遐齡所聘遐齡方議迎娶而亡氏聞訃奔喪慟絕復甦不復再歸母家志在同穴家人早夜守終以哭泣成病延至三年服闋而終題旌建坊於賈村鎮

魯氏寶雞王東妻年十九孀居撫遺腹子守節數年
其叔姊欲嫁之乃於夜間隔牆共謀故令其聞以
逼焉氏泣曰未亡人所以不死者爲此孤耳何迫
之甚耶仰華而死

扶風縣



雙烈女者扶風張文玘之女文玘三女長名存兒次
名桂華皆笄季名瓜女未笄里中惡少杜景花
瞰文玘夫婦往田乃潛入求合逼其長者脅以白

重修鳳翔府志

卷之九 貞烈

七

刃長不從執笮之繼侵仲仲又不從亦殺之並殺季
女以滅口然而未死遂明其事萬歷時建坊旌表
薛氏扶風諸生山邱凌雲妻孀居二十年流寇破城投
城下以死

李氏扶風貢生陳璉妻被賊執不污殺於其家有白
犬守之七日不少離俟家人至收葬之

韓氏扶風武舉張鍾英妻

樊氏扶風庠生王立極妻

李氏扶風韓一龍妻

姜氏扶風馬行健妻

趙氏扶風韓養德妻

劉氏扶風宋吉祥妻

楊氏扶風魏宗效妻

魏氏扶風王在宗妻

以上八人俱遭亂投河死

淮氏扶風庠生劉文燦妻

王氏扶風羅儒童妻劉芳譽之女八姐以上俱投井死

唐氏扶風庠生張彥珍妻

張氏扶風張鶴妻

重修鳳翔府志

卷之九

貞烈

六

張氏扶風劉伯義妻

以上俱自縊死

張氏扶風庠生高士慎妻與幼女小姐同秉節而死

又楊菊姐亦死大叅張繼孟妻賈氏夫死張獻忠

之難氏以死殉王莪者繼孟女也賊破城逼之不

從見殺主事王繼祖妻陳氏大叅王秉鑑母也城

陷投井死馬潤姐者汝龍女也賊逼汚女以挺擊

賊被磔死諸生馮可時妻周氏賊逼不從被殺死

里民田幾妻張氏罵賊而死羅鴻妻史氏馮文可

妻王氏王鑑妻孫氏聞賊陷城俱投井死

豔雪姓田氏山西馬邑人年十二爲翰林侍讀扶風王豫嘉侍兒從官京邸歷數載無忤色豫嘉悅之生子殤豫嘉亦以病家居九載豔雪侍醫藥不少間及歿慟不欲生家人覺之豔雪因好謂家人曰吾固不死乃日縫紉滌滌如平時及得聞遂自經絕矣

郿縣

明

楊氏郿縣張文奇妻夙嫻閨訓善事舅姑崇正七年

重修鳳翔府志

卷之九

貞烈

卒九

從姑避寇中途見執氏給賊釋姑度姑去遠伺間殺崖賊往救之據地大罵亂刃殺死

楊氏郿縣諸生師以風母王氏以風妻俱被賊劫楊罵賊砍傷王挺身撲救立斃刃下府縣表曰節烈雙垂

國朝

吳氏郿縣民趙瑾妾夫歿氏年二十六歲自分身微年幼恐逼之再嫁孀葬甫畢潛自刎死鄉人壯而哀之

麟遊縣

明

苟烈女麟遊人崇正七年爲賊所掠自毀其面罵不絕遂遇害

趙氏麟遊生員趙玉堂妻家貧以紡績佐夫讀書崇正末年遭流寇劫掠義不受辱墜崖而死後玉堂官御史贈孺人

汧陽縣

明

重修鳳翔府志

卷之九 貞烈

七

燕氏汧陽李簋妻

張氏汧陽生員任璽妻明末寇亂俱投崖死

冉小姐汧陽人幼孤育於伯父後賊亂伯遇害氏號天痛哭墜崖而死

隴州

明

楊氏隴州史載文妻夫故氏隨夫柩縊死萬歷間勅賜旌節坊在史家鋪鎮被寇毀惟墓碑存

關氏隴州人戶部員外馬如翰妻年十六於歸崇正

七年寇陷州城氏投水塘中寇曳出氏大罵自抉
自毀面復投塘中死後三日得其屍衣裳鞵履細
結如織

胡氏隴州人縣丞闡廣宗妻寇亂携幼女投井死

李氏隴州庠生馬相如妻寇亂率女赴河死

闡氏隴州貢生俞徽言妻

王氏隴州王廷詔妻

喬氏隴州王標妻

馬氏隴州張慎行妻

重修鳳翔府志

卷之九

貞烈

七

何氏隴州庠生闡光升妻

劉氏隴州闡光京妻

李氏隴州闡光宗妻

闡氏隴州李永茂妻

李氏隴州楊世浩妻

闡氏隴州李振妻

武氏隴州闡舜卿妾

李氏隴州葛思洪妻以上俱不從賊赴水死



